

《華嚴經普賢行願品》 補充講表

◎附表五：糅合《普賢行、願品隨聞記》《普賢行願品親聞記》《普賢行願品輯要疏》

○我以普賢行願力故，深信信解，如對目前（猶如親見諸佛，現在其前），

※《大乘止觀法門》·歷事指點云：「當知十方三世一切諸佛，悉與我身同一淨心為體；但

以諸佛修習淨業熏心故，得成淨果，差別顯現，徧滿十方三世。然一一佛皆具一

切種智，是正徧知海，是大慈悲海，念念之中盡知一切眾生心心數法，盡欲救度

一切眾生。一佛既爾，一切諸佛皆悉如是。是故行者若供養時，若禮拜時，若讚

歎時，若懺悔時，若勸請時，若隨喜時，若迴向時，若發願時，常作是念：一切

諸佛悉知我供養，悉受我供養，乃至知我發願。」↓法

※蕩益大師於《大乘止觀法門釋要》卷第四云：「此依法性，及與佛德稱實而觀，《行願

品》所謂「起深信解，如對目前」者也。」

※《大乘止觀法門》·歷事指點云：「猶如生盲之人，於大眾中行種種惠施；雖不見大眾

諸人，而知諸人皆悉見己所作，受己所施，與有目者行施無異。」↓喻

※《大乘止觀法門釋要》卷第四云：「無始無明未破，喻如生盲；然能作此信解，則功德與

菩薩等矣。」

※《大乘止觀法門》·歷事指點云：「行者亦爾，雖不見諸佛；而知諸佛皆悉見己所作，受

我懺悔，受我供養，如此解時，即時現前供養，與實見諸佛供養者，等無有異也。

何以故？以觀見佛心故。佛心者，大慈悲是也。」↓合

※《大乘止觀法門》·歷事指點云：「又若能想作一佛，身相嚴好；乃至能得想作無量諸

佛。一一佛前，皆見己身供養、禮拜者，亦是現前供

養。何以故？以是心作佛，是心是佛故。」

※《大乘止觀述記》云：「假想對實事言，謂並無佛像，心中想作一佛；亦未禮拜，心中想

作禮拜等也。此假想觀道理，下釋疑中詳言之，極為精妙。其行法之善巧，尤便行者；因凡夫所想，無非攀緣名利，起貪瞋痴。若不能六時行道者，於正課外，修假想觀，可除妄想。」

※《大乘止觀法門》·歷事指點云：「我今所見諸佛，雖是想心所作；但即能知，由我想念

熏真心故，心中現此諸佛。是故所見之佛，不在心外；唯是真心之相，有即非有，非有即有。」

※《大乘止觀述記》·歷事指點云：「此明觀想見佛，與十地大士見盧舍那佛，事理相同。

何以故？皆是真心為因，想心為緣，因緣和合，現起佛身相好故。蓋華嚴道場中諸大菩薩，所修見佛之業，悉是心作也。即以此業，還熏真心，現起千丈盧舍那佛。此佛實從心起，不從外來也；然則與我觀想見佛之為心作心起者，毫無差異。」

○一一佛所，皆現不可說不可說佛剎極微塵數身。一一身，遍禮不可說不可說……佛。

※《普賢行願品隨聞記》云：「依普賢行願之力，及深心信解之力，於一佛前頓現多身；一身復禮多佛，如是禮拜，無有已時。」

※《普賢行願品親聞記》云：「【一一佛所】句，多身禮一佛、多身禮多佛也。【一一身】句，一身禮多佛、多身禮多佛也。多禮一、多禮多、一禮多、一禮一四句，皆於一身禮一佛上顯。心能轉境，將一切質礙境，轉為唯心。桌子、檯凳，一切皆心，心通故，一切融通，轉成大光明藏；所禮佛身、能禮我身，隨光明藏轉多。常修轉境觀行，生處轉熟，自然轉動，而能現一身拜多佛，多身拜多佛。即或未轉動，亦要信得諸佛境界，法爾如是，豎窮橫遍。」

○虛空界盡，我禮乃盡，以虛空界不可盡故，我此禮敬無有窮盡。

※《金剛經》云：「須菩提！於意云何？東方虛空可思量不？不也，世尊！須菩提！南西

北方四維上下虛空可思量不？不也，世尊！」

※《金剛經講義》云：「虛空無相，而不拒諸相發揮，此語最宜牢記。平常眼光以為虛空

是一切無有，乃小乘之頑空耳。實則虛空乃包羅萬象，大乘經所說虛空，

指包羅萬象而言，其中有無數相在內，方顯虛空之大。佛所說空，皆應如

此去領會。須知無所不容，乃是第一義空，所謂空而不空。不可思量云

者，非謂其無相，不可思量，正謂其無所不容，方是不可思量。」

○如是乃至眾生界盡，眾生業盡，眾生煩惱盡，我禮乃盡。……我此禮敬無有窮盡。

※《普賢行願品隨聞記》云：「以虛空、眾生，顯其無盡。復自眾生開出業及煩惱，助明無

盡。當知虛空、眾生、業及煩惱，悉是稱性唯心，何有窮盡！

彼既無盡，故禮拜亦爾也。」

○念念相續，無有間斷；身語意業，無有疲厭。

※《普賢行願品別行疏》卷六云：「疲謂疲倦，厭謂厭足；下之九門，無盡例此。」

※《普賢行願品輯要疏》云：「相續，即無間也。自非普賢觀行之力，如何得念念無間？願智者審諦思惟，幸不以生滅之心，取相之禮，而修持之，自然不生疲倦之心，不起厭足之念。以下九門，可以例此。」

○復次，善男子！言稱讚如來者。

※《普賢行願品輯要疏》云：「言稱讚者：稱，謂稱揚；即稱述聖德，宣揚優美。讚，謂讚歎；即讚頌德大，褒歎功高也。如來為十號之首，乃倣同先跡號也。《金剛經》云：【無所從來，亦無所去。】指法身如來也。《轉法輪經》云：【第一義諦名如，正覺名來。】指報身如來也。成實論云：【乘如實道，來成正覺。】指應身如來也。雖云三身，實非定三。法身，如淨月；報身，如月光；應身，如月影。亦非定一，若說是一，三義宛然；若說定三，同是一月。」

○所有盡法界、虛空界，十方三世一切剎土，所有極微一一塵中，∴皆有菩薩海會圍繞。

※《念佛與十大願王》云：「在這一段經文中，有四重無盡：一、剎土無盡。虛空之內，有無盡的剎土——世界。二、微塵無盡。世界是微塵合成的，世界尚且無盡，微塵自然無盡了。三、諸佛無盡。這一重無盡之中，復有三重無盡；每一世界有一位佛，因世界無盡之故，佛亦無盡。每一微塵即是一個世界，因微塵無盡之故，佛亦無盡。這兩種無盡，我們還可以推想而知。至於第三重【一一塵中，皆有一切世間極微塵數佛】！真是不可思議的境界了。四、三寶無盡。諸佛是佛寶。【皆有菩薩海會圍繞】是僧寶。有說法的佛，有聞法的僧，自然有法寶了。」

○我當悉以甚深勝解，現前知見。（勝解：開悟也）

※《普賢行願品親聞記》云：「前廣此略，略去【普賢行願力】。」

○各以出過辯才天女微妙舌根，

※《普賢行願品輯要疏》云：「言出過等者，大部出現品中，有一天女，有妙舌根。經

云：【譬如自在天王，有天綵女，名曰：善口。於其口中出一音聲，其聲則與百千種樂，而共相應。】彼天女者，出妙音聲，不過但合天樂；今以普賢勝解力，所出音聲，遍合法界，云：出過也。」

◆「辯才」嘉祥大師於《法華疏》二云：「速疾應機名辯，言含文采曰才。」

■「辯才」分別之有四種，謂「四無礙辯」，亦謂之「四無礙解」。就理解能力言之，稱為四無礙解；就言語表達能力言之，稱為四無礙辯。以下為四無礙辯：

- 一、法無礙辯：於一切法無不通達故。謂於一切法有無礙自在的智解，故能善於辯說。
- 二、義無礙辯：於一切義理（真諦理、俗諦理）無不通達故。
- 三、詞（辭）無礙辯：通曉十方國土一切方言。
- 四、辯說無礙解（樂說無礙辯）：能契於一切眾生之機，而為說法。即樂說者，能隨順

眾生心所好樂，以為說法。